

ԻՐԱԴԱՐՁՈՒԹՅՈՒՆՆԵՐԸ ԱՅՍՐԿՈՎԿԱՍՈՒՄ 1723 ԹՎԱԿԱՆԻՆ ԵՎ
ԱՐՑԱԽԱՀԱՅՆՐԻ ԱՌԱՋԻՆ ՕԳՆԱԿԱՆ ՌԱԶՄԵՐԹԸ ՍՅՈՒՆԻՔ

Ա. Մ. ԱՅՎԱԶՅԱՆ

«Ղափանցվոց պատմութեան»¹ Համապատում բնագրի խմբագրութեան հարցերին անդրադառնալիս, հաճախ ենք հանդիպում մի երևույթի, որին (Ի. Զ. Բուլինգովուն անվանում էր «մկրատի և սոսնձի պատմական մեթոդ»², այն է՝ սովորական կոմպիլյացիային։ Այսպես, Թորոսի՝ Դավիթ-բեկին ներկայանալու պահից սկսած մինչև Ս. Շահումյանի պատումի ավարտը, նախնական երկու պատումները Համապատումում ներկայացված են առանձին-առանձին (էջ 150—153-ում վերաշարադրված է ՊՏԱ-ի համապատասխան հատվածը—հմմտ. էջ 132—134, էջ 154—164-ում՝ ՊՄԵ-ինը—հմմտ. էջ 122—130), Բացի նախնականի խանի զորքերի դեմ Դավիթ-բեկի մղած երկու տարբեր ճակատամարտերի նույնացման անհաջող փորձից³ (Համապատում, էջ 153), Համապատումի սահմանափակ մասում (էջ 150—164) նախնական զույգ պատումների համեմատական վերլուծության վրա հիմնված որևէ այլ խմբագրական լուրջ միջամտություն Ղուկաս Սեբաստացին չի արել։

Արդ, հաշվի առնելով նախնականների զգալի շարադրությունը, անցնենք հիշյալ հատվածների քննությանը։

* * *

Տաթևից Չավնդուր վերադառնալուց հետո Թորոս-բեկը պատրաստություններ է տեսնում և գարնան բացվելուն պես նախահարձակ է լինում Բարգուշատից եկած քոչվորների վրա, որից հետո տեղի է ունենում Չավնդուրի առաջին մեծ ճակատամարտը։ Երկու նախնական պատումները զուգահեռաբար պատմում են հայերի այդ խոշոր հաղթանակի մասին։

ՊՄԵ — «Յետ այսորիկ աւուրքն, աւուրք գարնանային... Իբրեւ լուաւ Պարկուշատու Փաթալի Սուլտանն եւ իւր եղբայրն Աղասի Սուլտանն, թէ Հայքն Չաւնդուրեալ ապստամբեալ են ի Թուրքաց եւ կոտորեալք են զնոսա... եւ... երկոտասան հազարաւ ի վերայ Չաւնդուրին. իսկ նոքա առաքեցին յառաջագոյն ի Կամնադորոյ՝ ի յիշկերտոյ 150 սպառազէն, կալնուլ զկիրճս ճանապարհին, զի էր անտառախիտ յոյժ, եւ դարան մտին նոցա անդ։ Արդ՝ զօրքն Թուրքաց իբրեւ հասին անդը, զօրքն Հայոց արձակեցին ի վերայ նոցա զհրացանս՝ մինչեւ ի դարձուցանել զնոսա ի կրունկս. եւ իբրեւ դարձան նոքա, սոքա պնդեցան զկնի եւ կոտորեցին ի նոցանէ շորս հազար այր, եւ մնացեալքն փախեան ի Պարկուշատ» (էջ 122)։ ՊՏԱ — «Վասն զի զայն ամենայն լուեալ եւ տեսեալ Պարսիցն, որք շուրջ էին զնոքօք կուսակալք

¹ Դավիթ Բէկ կամ «Պատմութիւն Ղափանցոց», աշխատասիրեց Սամվել վրդ. Արամյան, Վենետիկ—Ս. Ղազար, 1978 (այսուհետեւ՝ Պատմութիւն Ղափանցոց)։ Այս հրատարակութեան բնագրային մասը հոդվածիս շարադրանքի մեջ, համառոտագրություններով, հղելու ենք ըստ հետևյալ հատվածների. ՊՄԵ—Պատում Ստեփան Շահումեանի, էջ 119—130. ՊՏԱ—Պատում Տէր Աւետիք քահանայի, էջ 131—143. Համապատում—Համապատում բնագիր, խմբագրեց հ. Ղուկաս վրդ. Սեբաստացի, էջ 147—181. Չորացուցակ—Դավիթ-Բեկի զորավարների ցանկը և Տեր-Ավետիքին նվիրված ներբողը, էջ 143—145։

² Р. Дж. Коллингвуд. Идея истории. Автобиография. М., 1980, с. 34.

³ ՏՆ՝ «Պատմա-բանասիրական հանդես», 1990, № 2, էջ 120—130։

⁴ «Կամնադոր» տեղանունը Համապատումից դուրս է մնացել (տե՛ս. էջ 155)։

նաեւ կուսակալն հափանու, հանն Պարկուշատու՝ որ կոչի Բաթալի հան, եւ հանն Ղարադաղ⁵ երկրին. սոքա ամենեքեան եկեալ ի միասին, եկին ի վերայ Չանդուր գաւառին՝ ութ եւ տասն հազարաւ, յաւուր քառասորդաց պահոց՝ ի տօնի սրբոյ Լուսաւորչին: Իսկ Հալոցն յուսալով յողորմութիւնն Աստուծոյ ի գիշերի յարութեանն Քրիստոսի դրմեալ ի վերայ բանակի նոցա՝ հարին կոտորեցին զնոսա, եւ առին զբանակն, եւ ցայլսն փախստականս արարին» (էջ 132):

Որ սա նույն ճակատամարտն է, եզրակացնում ենք հետեւյալից. 1. Երկու պատումներում էլ այն նկարագրված է Թորոսի՝ Տաթևից Չամչուր վերադառնալուց հետո: 2. ՊՄՇ-ն, բացառությամբ Նախիջևանի խանի հետ Դավիթ-բեկի առաջին բախման և Զեու բերդի գրավման (վերջինիս մասնակից էին նաև Չամչուրի, Կենավուզի և Գուրհամի զորքերը — տե՛ս ՊՄՇ, էջ 124. հմմտ. ՊՏԱ, էջ 133), հիմնականում ծանրանում է Ղափանի հարավային շրջաններում տեղի ունեցած անցքերի վրա: Դա բացատրվում է, ինչպես նշել ենք, այդ շրջաններում Ս. Շահումյանի բնակությամբ և նրա զբաղեցրած պաշտոնով (Ստեփանոսը նաև Պապ զորավարի տեղակալն էր, — տե՛ս չորացուցակ, էջ 143): Ուստի բացառվում է, որ Շահումյանը հիշատակած Ալիքի Չամչուրում կայացած այդպիսի խոշոր հաղթանակը: 3. Ըստ Ս. Շահումյանի, ճակատամարտը եղել է գարնանը՝ «յետ այսորիկ աւուրքն, աւուրք գարնանային»: Անշուշտ սա 1723 թ. գարունն է, քանզի մեզ հայտնի է, որ 1724 թ. մարտի վերջին — ապրիլի սկզբին տեղի է ունենում Թորոսի 6000-անոց նորահավաք զորաբանակի Բարգուշատի ոչքերգական վախճանով արշավանքը: Ս. Շահումյանի շարադրանքն ինքնին հաստատում է, որ այդ երկու ճակատամարտը չէին կարող լինել նույն թվականի նույն գարնանը (տե՛ս ՊՄՇ, էջ 122—125): Իսկ Տեր-Ավետիքը հաղորդում է, որ Չամչուրի հաղթական կռիվները եղել են Գրիգոր Լուսավորչի տոնից մինչև Զատիկը, այսինքն՝ նույնպես գարնանը: Համապատում բնագիրն էլ ավելի է պարզեցնում հարցը, հայտնելով, որ Տեր-Ավետիքի պատմած ճակատամարտը տեղի է ունեցել «յամին երկրորդի, յետ գալստեան Դաւթի ի Ղափան» (էջ 151), այսինքն՝ 1723 թ.: Աշ. Աբրահամյանը տոմարական ստույգ հաշվարկ կատարելով, գրում է, որ 1723 թ. «Լուսավորչի տոնը եղել է մարտի 31-ին. այդ օրն է, որ խանական զորքերը սկսել են իրենց հարձակումը, իսկ Հայրության տոնը՝ Զատիկն այդ տարում եղել է ապրիլի 14-ին, այդ օրն էլ հայկական զորքերը ջարդել են խանական միացյալ զորաբանակին»⁶: 4. Ս. Շահումյանի համաձայն, Չամչուրի վրա հարձակվողները երկուսն էին. «Պարկուշատի Փաթալի սուլտանն եւ իւր եղբայրն՝ Աղասի սուլտանն» (ՊՄՇ, էջ 122): Ըստ Տեր-Ավետիքի, թշնամու զորքի առաջնորդները նույնպես երկուսն են՝ «կուսակալն հափանու, հանն Պարկուշատու՝ որ կոչի Բաթալի խան, եւ հանն Ղարադաղ երկրին» (ՊՏԱ, էջ 132): Համապատումում Տեր-Ավետիքի տվյալներն աղավաղվել են, դառնալով երեք խան՝ «կուսակալն հափանու, եւ Փաթալի սուլտանն, եւ ընդ նմա խանն Սեալ լերին» (Համապատում, էջ 151): Աշ. Աբրահամյանը, ծանոթ լինելով նախնական բնագրերին, չի նկատել այս սխալը և հենց այդպես էլ գրել է, որ «Ղափանի սուլթանը, Բարգուշատի սուլթանը և Սև լեռան խանը, միավորելով իրենց

⁵ Տեքստում գրված է Ղարադաղ. սա, անշուշտ, Ղարադաղն է, քանի որ Համապատումում այն դարձել է Սև լեռ» (էջ 151): Ուրա վերջին տառերը գրի կողմից կամ տպագրության ժամանակ թույլ տրված վրիպակ են՝ «ա» և «ո», «զ» և «դ» տառերի ձեռագրային նմանություն պատճառով: Ս. Աբրահամյանի Առաջարկում ՊՏԱ-ի նույն հատվածը բերված է «Ղարադաղ» ձևով (էջ 79):

⁶ Ա. Գ. Աբրահամյան. Սյունիքի XVIII դարի ազատագրական շարժման պատմության շուրջը. — «Պատմա-բանասիրական հանդես», 1972, № 4, էջ 170:

ուժերը, հարձակվում են Դավիթ-բեկի վրա՝ Այնինչ Տեր-Ավետիքի հաղորդածը միանշանակ է՝ Ֆաթհ-Ալի (Բաթալի) սուլթանը եղել է և՛ Ղափանի, և՛ Բարգուշատի կուսակալ։ Այս փաստն ամենից լավ ապացուցում է Հ. Դ. Փափազյանի կողմից վերջերս հրապարակված շահ Թահմասպ II-ի մի հրովարտակը, որտեղ Ֆաթհ-Ալի սուլթանն անվանված է «Բարգուշատի և Ղափանի հաքիմ»⁸, այն է՝ կուսակալ։

Այսպիսով, երկու պատումների մեջըրված հաղորդումները վերաբերում են նույն ճակատամարտին և միմյանց նկատմամբ արժեքավոր լրացումներ են անում։ Օրինակ, Տեր-Ավետիքի հաղորդման շնորհիվ հնարավոր է դառնում գտնել ճակատամարտի ճիշտ ժամանակը։ Շահումյանի պատումից իմանում ենք Բարգուշատի և Ղարադաղի զորքերի կորուստների թիվը՝ «չորս հազար այր»։ Համեմատելով թշնամու զորքերի ընդհանուր թվաքանակի մասին նախնական պատումների տարբեր տեղեկությունները՝ 12 հազար (ՊՄՇ) և 18 հազար (ՊՏԱ), նախապատմությունը պետք է տալ Ս. Շահումյանի հաղորդածին՝ 12 հազարին, քանի որ նա ավելի մոտ է եղել և, ըստ երևույթին, մասնակցել է հիշյալ մարտերին, որը երևում է նաև մանրամասն շարադրանքից։

Տեր-Ավետիքի և Ս. Շահումյանի հաղորդումների համադրումից պարզվում է, որ Ֆաթհ-Ալի սուլթանի Աղասի անունով եղբայրը Ղարադաղի՝ Բարգուշատին կամ Ղափանին հարող որոշ շրջանների տիրակալն էր՝ «նախն Ղարադաղ երկրին»։ Հիշատակելի է, որ այս երկու դաշնակիցները կրկին միասին են հանդես գալիս Թորոս-բեկի զորաբանակի կործանման գործում (տե՛ս ՊՄՇ, էջ 125. հմմտ. Համապատում, էջ 158)։

Դառնալով Ղ. Սերաստացու խմբագրությանը, տեսնում ենք, որ նախնական պատումների 1723 թ. մարտի 31—ապրիլի 14-ի մարտերին վերաբերող տվյալներն առանց քննադատական որևէ վերլուծության, առանձին-առանձին վերաշարադրված են Համապատում ընագրում. էջ 151-ում՝ Տեր-Ավետիքի հաղորդածը, իսկ էջ 154—155-ում՝ Ս. Շահումյանին (հմմտ. ՊՏԱ, էջ 132. ՊՄՇ, էջ 122)։ Սյունյաց ազատամարտի հստակ պատկերն ու ժամանակագրությունը որոշելիս, այս կրկնողությունը, բնականաբար, շփոթություն է առաջացնում։ Այնուամենայնիվ, կարելի է ենթադրել, որ Ղ. Սերաստացին կռահել է նախնականների խնդրո առարկա զույգ հաղորդումների միևնույն ճակատամարտին վերաբերելու փաստը. Համապատումում՝ Տեր-Ավետիքի պատմածի վերաշարադրության մեջ ներմուծված է մարտի ընթացքին վերաբերող մի դրվագ, որը չկա ՊՏԱ-ում, բայց մանրամասն նկարագրված է ՊՄՇ-ում։ Այն հայտնի զորքերի դարանամուտ լինելու մասին է՝ «իսկ զորքն Հայոց, որք դարան մտնալ էին նոցա...» (Համապատում, էջ 151), այնուհետև՝ ՊՏԱ-ի վերաշարադրությունը լեզվական որոշ մշակմամբ։

* * *

1723 թ. մարտի 31—ապրիլի 14-ի Չավնդուրի հաղթական մարտերին հաղորդած իրադարձությունների մասին Ստեփանոս Շահումյանը պատմում է հետևյալը.

Չավնդուրի հաղթանակի «հետեւեալ աւուրն», այսինքն՝ 1723 թ. ապրիլի 15-ին, լեհվազի ձորում ընակություն հաստատած մահմեդականների առաջնորդ Մանաճիր ժլլի Սաֆիդուլին («Սաֆի Ղուլին»)։ 300-հոգեանոց

⁷ Նույն տեղում, էջ 169. հմմտ. П. Т. Арутюнян. Освободительное движение армянского народа в 1-ой четверти XVIII века. М., 1954, էջ 266.

⁸ Հ. Դ. Փափազյան. Դավիթ-բեկի պայքարը օսմանյան ներխուժման դեմ և հարաբերությունները չիրանական հակաօսմանյան դիմադրական ուժերի հետ. — Երևան-սիրական հանդես, 1987, № 1, էջ 93.

չոկատով գալիս է Ափկիս և պատրաստվում է Քիս-աթուրքարնակ⁹ ավանի ուժերի համագործակցությամբ հարձակվել և ավերել Մանլեր՝ շրջակա հայկական գյուղերի հետ միասին: Տեղեկանալով այդ մասին, Թորոս-բեկը, վերցնելով իր հետ 500 զինվոր, գիշերային սրընթաց արշավով Չավնդուրից անցնում է Կենավուզ (հավանաբար՝ Շիշկերտից դեպի Մազրա և Ափկիս տանող լեռնային ճանապարհով, հմմտ. ՊՄՇ, էջ 127) և պառաւօտուն պահույններ տասներորդ ժամուս նախահարձակ է լինում Ափկիսի վանքում գրտնրվող Սաֆիդուլու չոկատի վրա, նրան փախուստի է մատնում և ոչնչացնում 80 զինվոր: Ս. Շահումյանը երկու տեղում՝ ա) Ֆաթհ-Ալի սուլթանի և Սաֆիդուլու զորքերի և բ) Սաֆիդուլու և Քիս ավանի ուժերի համատեղ գործողությունների խափանումը բացատրում է նախ՝ Սաֆիդուլու, ապա՝ Քիսի առաջնորդ Միրզա Սայիլի հայոց դեմ պատերազմելու սկզբնապես ունեցած անհամաձայնությամբ և չկամությամբ (տե՛ս ՊՄՇ, էջ 122, 123): Առաջին դեպքում, սակայն, հայկական զորքերի թիկունքում Սաֆիդուլին փորձում է ռազմական գործողություններ ծավալել Չավնդուրի հաղթանակի հաջորդ օրն իսկ, գլխավոր ճակատամարտից ուշանալով՝ ընդամենը մեկ օրով, իսկ երկրորդում՝ պիտի կարծել, որ Թորոսի գիշերային ռազմարշավը կանխեց Սաֆիդուլու և Միրզա Սայիլի ուժերի միացումը, քանի որ դրան անմիջապես հաջորդում է քիսեցիների ելույթը Թորոսի զորքի դեմ: Այս ամենը նշանակում է, որ հայկական զորքերի սրընթաց և հաշվարկված գործողությունների շնորհիվ հաջողվել էր տապալել Բարգուշատի և Ղափանի մահմեդական ուժերի միատեղ հարձակումների ծրագիրը և առանձին-առանձին պարտություն մատնել նրանց:

Հաշվի առնելով դեպքերի արագ զարգացումը, կարող ենք ասել, որ Քիս ավանի ավերումը, Պապ Կալերեցու նշանակումը Կենավուզի և Գուրհամի հայոց զորքերի հրամանատար, այնտեղ անցկացված զորահավաքը, այնուհետև՝ Լեհվազի (Լեհզի) ձորից «թուրք» տարրի բնաջնջումն ու արտաքսու-

⁹ Ստուգապես չգիտենք, թե ինչ էթնիկական պատկանելություն են ունեցել Ղափանի ներսում բնաջնջված մահմեդականները: Օրինակ, Տեր-Ավետիսյանը Ղարաշուրունիին անվանում է «թուրքեր» (ՊՄՇ, էջ 132), իսկ Աբրահամ Կրետացին՝ «թուրք» (Աբրահամ Կրետացի. Պատմություն, Քննական բնագիր, ռուսերեն թարգմանություն, առաջադրանք և ծանոթագրություններ՝ Ն. Կ. Ղարաշուրունի. Երևան, 1973, էջ 150, 151): Ն. Ազնեցի գրում է, որ Ղարաշուրունիները «իսկապես ոչ թուրք են և ոչ քուրդ, այլ այն ինչ որ այժմ կոչվում է Թարաքեմա, այսինքն թուրքմեն» (Ն. Ազնեցի. «Դավիթ բեկ» վեպի պատմական հիմք և դադափարախոսական արժեքը.— Բաժնի (Հակոբ Մելիք-Հակոբյան). Կյանքը, գրականությունը, հիշողություններ. Փարիզ, 1937, էջ 125): Պետք է ասել, սակայն, որ հայոց մեջ «թուրք» և «թուրք» էթնոնիմները ոչ միջնադարում հաճախ գործածվել են կրոնադավանական իմաստով և նշանակել են մահմեդական (թեև Ղարաշուրունիների թուրք լինելու մասին Աբրահամ Կրետացու հաղորդումն ստույգ է. հմմտ. Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին, հ. Ա. կազմեց Ա. Խ. Սաֆրասյան. Երևան, 1961, էջ 159): Այսպես, Ս. Շահումյանը հայտնում է, որ Պապ հաղարապետը Լեհվազի ձորում կոտորել է տալիս զգրիս տունն թուրքացեալս» (ՊՄՇ, էջ 124): Համապատասխանաբար, միանգամայն արդարացիորեն, դարձել է զգրիս տուն, որք ուրացեալս էին զՔրիստոս» (էջ 156): «Թուրքացեալս» նույն նշանակությամբ էր գործածում նաև Աստվածատուր Ա Համադանցի կաթողիկոսը (այս մասին ավելի մանրամասն տե՛ս Մ. Մ. Կարապետյան. «Բժամ Զաֆարի» օրենքը և արևելահայերը.— «Պատմա-բանասիրական հանդես», 1988, № 1, էջ 220—221): Լ. Կնյազյանի հայտնած այն կարծիքը, թե «մինչև 1726 թ., երբ սկսվեցին թուրքական արշավանքները՝ դեպի Սյունիք, Սյունիքի մահմեդական բնակչությունը գրեթե բացառապես պարսիկներն էին» (Լ. Ա. Կնյազյան. Ազատագրական պայքարը Դավիթ Բեկի ղեկավարությամբ. Երևան, 1963, էջ 95), ընդունելի չէ թեկուզ այն պատճառով, որ այդ բնակչության զգալի մասը կազմող Ղարաշուրուն, Զիվանշի (Չիվանշի) և այլ ցեղերը ժրանաբնակ թուրքներ էին:

մը¹⁰ (տե՛ս ՊՍՇ, էջ 123) տեղի են ունեցել, հավանաբար, 1723 թ. ապրիլի երկրորդ կեսից մինչև, առավելագույնը, հունիսի սկիզբը:

Երկու ամիս անց (այետ այսորիկ իբրեւ երկու ամիս ի վերայ անցին), այսինքն՝ 1723 թ. հուլիս-օգոստոսին կռիվները նոր թափ են ստանում. Օրդուբադ («Ուրդուար», «Ուրդուվար», «Ուրդուվար», «Ուրդվար») փախած Սաֆիդուին ասպատակում և ավերում է Սայիպունի (sic) հայկական գյուղերը. ի պատասխան, Դավիթ-բեկը հրամայում է Մխիթար «հարյուրապետին» (sic) ոչնչացնել Թաղամերում մնացած 60 տուն «թուրքերին» (ՊՍՇ, էջ 123—124): Ահա այս միջոցին էլ ավարտվում է Հալիձորի կուսանոցի վերածումը Դավիթ-բեկի նստավայր-բերդի. «Եւ զայսու ժամանակաւ՝ Դավիթ կատարէր զշինուած բերդին որ ի Հալի ձոր» (Համապատում, էջ 156, հմմտ. ՊՍՇ, էջ 124):

Այսպիսով, հստակ է, որ մինչև 1723 թ. օգոստոսը Հալիձորի կառուցումը դեռ չէր վերջացել: Տեր-Ավետիքի պատումում մի տվյալ կա, որն օգնում է առավել ճշգրտել այս դեպքի ժամանակը. Ղարաբաղի հայոց ղորքի հրամանատար «Յօհաննէսը» (Համապատումում վերջինս անվանված է «Յօհաննէս պետն Քուբարացւոց», տե՛ս էջ 152), ժամանելով Ղափան, Շահերի բանտում է գտնում Տեր-Ավետիքին և նրա աներ Մելիք Փարսադանին, որոնց Դավիթ-բեկը այդտեղ էր նետել 15 օր (ըստ Համապատումի՝ 12 օր) առաջ՝ Ղափանի հայություն շարժման ակտիվորեն շմասնակցելու համար: «Յօհաննէսը» ճաշատէ զնոսա եւ առաքէ Դավիթ Պէկին ի Հալիձոր» (այս և հետագա բոլոր ընդգծումները մերն են—Ա. Ա.): Այնուհետև «Յօհաննէսն» այցելում է Տաթև. Դավիթ-բեկն այստեղից էլ էր բացակայում (տե՛ս ՊՍԱ, էջ 132—133. հմմտ. Համապատում, էջ 151—152), այսինքն՝ կարող ենք ասել, որ Դավիթ-բեկը որոշ ժամանակ էր ինչ վերջնականապես տեղափոխվել էր Հալիձոր: Տեր-Ավետիքը հիշում է նաև, որ Ղարաբաղցիները, դալով Ղափան, ապարդյուն պաշարում են Որոտնա բերդը:

Այստեղ անհրաժեշտ է անդրադառնալ այն հարցին, թե ե՞րբ և ի՞նչ պայմաններում է կայացել Տեր-Ավետիքի նկարագրած Ղարաբաղի զորքերի անցումը Ղափան:

* * *

Խորհրդահայ պատմագիտության մեջ ընդունված փաստի» բնույթ է ստացել «Յօհաննէսի» ժամանումը Ղափան նույնացնել Սղնախների զորքի 1724 թ. ապրիլի օգնական արշավանքի հետ¹¹: Մինչդեռ նախորդ քննության արդյունքները ցույց են տալիս, որ այս նույնացումը ճիշտ չէ: 1. Այն հակասում է նախնական բնագրերի ժամանակագրական իրարահաջորդության սկզբունքին. 1724 թ. ապրիլին Ղարաբաղի օգնական զորքը (որի մեջ էր

10 Համապատումից դուրս են մնացել երեք «թուրքարնակ» ընդունված դուռերի անունները՝ Դամալի, Երզնի և Պիրենայ: Սակայն հիշվում է չորրորդը՝ Թաղամերը, որի անունը չէր ընդգրկվել ՊՍՇ-ում (տե՛ս Համապատում, էջ 156. հմմտ. ՊՍՇ, էջ 123—124):

11 Տե՛ս Ա. Գ. Աբրահամյան. Մի էջ Անդրկովկասի յոգովորդների և հայ-առուսական հարաբերությունների պատմությունից. Երևան, 1953, էջ 82—84. Նույնի՝ Մյունխենի XVIII դարի աղատագրական շարժման պատմության շուրջ, էջ 172: Լ. Ա. Կեյսազյան. Նշվ. աշխ., էջ 62—65: Հայ ժողովրդի պատմություն. հ. IV, Երևան, 1972, էջ 166: Армяно-русские отношения в I-ой трети XVIII века. Сборник документов, т. II, часть I, под редакцией Ам. Иоаннисяна. Ереван, 1964, (այսուհետև շարադրանքի մեջ՝ АРО, I), с. LVII: Ն. Ադունցի, ապա և Ա. Գ. Մադոյանի այլակարծիք դիտողությունները չեն մոտենում ինդրի հանգույցին (Ադունցի առհասարակ բանհեթեթ զրույց է համարում «Պատմության» այս հաջորդումը), այդ իսկ պատճառով թերի են և անհամոզիչ (տե՛ս Ն. Ադունցի. Նշվ. աշխ., էջ 126, 137. հմմտ. Ա. Գ. Մադոյան. Դիտողություններ Դավիթ-բեկի ազդեցության պատմության շուրջը.—«Պատմա-բանասիրական հանգես», 1973, № 3, էջ 186—187, 199):

նաև իվան Կարապետը) ժամանել է Ղափան Բարգուշատի և Նախիջևանի խաների երկկողմանի հարձակումից հետո¹², իսկ Տեր-Ավետիքը նկարագրում է դրանից առաջ կայացած Ղարաբաղցիների ռազմարշավը (տե՛ս ՊՏԱ, էջ 132—134)։ Այս հակասությունը նկատելի է Ա. Գ. Աբրահամյանը, բայց մեկնակետ ունենալով երկու արշավանքների նշված նույնացումը, «Պատմության» տվյալներն անստույգ է համարել¹³։ 2. Ինչպես գիտենք, Դավիթ-բեկը գրավում է Որոտնա բերդը 1724 թ. մարտի 29-ին, որից հետո (մինչև ապրիլի 4-ը) Ղափանի զինված ուժերը խոշոր պարտություն են կրում Չավրնդուրի ռազմաճակատում՝ Բարգուշատի և Ղարադաղի զորքերի դեմ մղած կռվում, և մեծ կորուստներ տալիս («900 այր») Սիսիանի ճակատում՝ Նախիջևանի խանի զորքերի հետ երկրորդ բախման ժամանակ։ Այդ իսկ միջոցին էլ՝ 1724 թ. ապրիլի 9-ին և 15-ին Սղնախների զորքերն օգնությամբ են գնում Սյունիք¹⁴։ Սա նշանակում է, որ Ղարաբաղցիների ժամանման պահին Որոտնա բերդն արդեն հայերի ձեռքում էր և նրա պաշարումը «Յօհաննէսի» գորգի կողմից անիմաստ պիտի լիներ։ 3. Իվան Կարապետի 1724 թ. հուլիսի 18-ի զեկուցագրից երևում է, որ նույն թվականի ապրիլին Ղարաբաղից եկած զորքը Ղափանում ռազմական գործողություններ գրեթե չի ծավալել և, համոզվելով երկրի հարաբերական կայունության մեջ, շուտով հետ է վերադարձել։ Կացության ավելի մոտից ծանոթանալու նպատակով, ընդամենը 200 հոգուց բաղկացած ջոկատով, Ղափանում է մնացել իվան Կարապետը։ Զեկուցագրում ոչ մի ծանուցում չկա Ղարաբաղյան զորաբանակի կողմից Տեր-Ավետիքի նշած Որոտնա բերդի պաշարման, Շնհերի և Տաթևի այցելության մասին (տե՛ս АРО, II, док. 277)։

Այսքանով պարզ է դառնում, որ Տեր-Ավետիքի պատմածը՝ Ղարաբաղի հայոց զորաբանակի Սյունիք գալու մասին, ոչ մի առումով չի վերաբերում 1724 թ. ապրիլի 9-ի և 15-ի նմանօրինակ անցքերին։ Միաժամանակ անընդունելի է այդ հաղորդումը մտացածին և բռնազբոսիկ համարելը։ «Յօհաննէսի» և իր զորքերի գործողությունների նկարագրությունը տրամաբանական, ներդաշնակ ու ամբողջական կառուցվածք ունեցող դեպքերի մի շարան է, որը սերտորեն շաղկապվում է ՊՏԱ-ի ընդհանուր դիպաշարի հետ, իսկ Տեր-Ավետիքի տեղեկությունների հավաստիության աստիճանը մեզ հայտնի է։ Ավելին, հենց իր՝ պատմողի ճակատագիրն է տրամախաչվում «Յօհաննէսի» բանակի սյունյաց ռազմարշավի հետ, ուստի Տեր-Ավետիքի այս հաղորդումն առավել ճշմարտապատում բնույթ է ստանում։

Ներկայացված ժամանակն է. նախքան 1724 թ. ապրիլի արշավանքը եղել է Ղարաբաղյան, ըստ երևույթին, ավելի մեծ զորաբանակի մեկ այլ անցում Ղափան, որի (ինչպես և 1720-ականների սյունյաց ընդլայնման գրեթե ողջ պատմության) մասին մեզ հասած միակ սկզբնաղբյուրը «Ղափանցվոց պատմություն» է։ Ուրեմն, ե՛րբ և ի՞նչ պայմաններում է տեղի ունեցել այս անցումը։

«Պատմության» տվյալներից դատելով, կարող ենք մակարերել միայն, որ այն կայացել է 1723 թ. ապրիլի Չավրնդուրի հաղթանակից մինչև Ղարաչիմեն բանակատեղիում Ղափանի հայոց զորքերի կենտրոնացման պահն ընկած ժամանակահատվածում (տե՛ս ՊՏԱ, էջ 132—133)։ Այս հարցին առավել սպառիչ պատասխանելու համար սկզբից անդրադառնանք «Յօհաննէսի» բանակի թվին՝ 56 հազար «հայազունը զորքին» (ՊՏԱ, էջ 133, հմտ. Համապատում, էջ 152)։

Այդ ընդհանրության այս թիվը համարում է «Ֆանտաստիկ» (АРО,

¹² Армяно-русские отношения в 1-ой трети XVIII века. Сборник документов, т. II, часть II, под редакцией Аш. Иоаннисяна. Ереван, 1967 (այսուհետև Ղարաբաղցի մեջ՝ АРО, II), док. 277, с. 184։

¹³ Տե՛ս Ա. Գ. Աբրահամյան. Մի էջ..., էջ 83։

¹⁴ «Պատմա-բանասիրական հանգես», 1930, № 3, էջ 121—123։

I, c. LVII): Աշ. Աբրահամյանն, իր հերթին, գրում է, թե «Ընտիր պատմության» հեղինակը... թույլ է տվել երկու անճշտություն. Դիզակի Ավանյուզբաշուն դարձրել է գուգարքեցի և Ղարաբաղի 2000 հոգուց բաղկացած զորաբանակի թիվը մեծացնելով հասցրել է 56 000-ին¹⁵:

Այս տեսակետի ելակետը Սղնախների վերը նշած երկու տարբեր սյունյաց արշավանքների անհարկի նույնացումն է: Պիտի նկատել, սակայն, որ 1720-ականներին Ղարաբաղի հայոց զորքի ընդհանուր քանակի մասին ժամանակակիցների մեզ հասած մի շարք տեղեկություններ մոտ են՝ Տեր-Ավետիքի հաղորդած 56 000 թվին: Այսպես, 1723 թ. վերջին տարբեր վայրերից՝ Ղարաբաղից և Արդեբիլից, ռուսների գրաված մերձկասպյան շրջանները ժամանած Անտոն քահանան և Մատուր Պետրովը Սղնախների զորքը հաշվում են 50 000՝ 30 000 հեծյալ և 20 000 հետևակ¹⁶: 1723 թ. օգոստոսի 26-ին Ալեքսեյ Մակարովին հղած զեկուցագրում Մինաս վարդապետ Տիգրանյանը հայ զինվորության թվաքանակը նույնպես 50 հազար էր գնահատում¹⁷: Հետաքրքիր է, որ 1723 թ. հայոց զորքի քանակը 60 000 են համարել օսմանցի պաշտոնյաները. Պետրոս դի Սարգիս Գիլանենցը պատմում է, թե 1723 թ. ապրիլի 2-ին թուրք ղեսպանը գնում է էջմիածին և՝ «մին էլ մեր կաթողիկոսին կասի՝ թէ դու էլ մեծ սուլի (հանցանքի—Ա. Ա.) տէր աս, որ Ըռուստին խեղ մին աս դառցել, էսչանք խայ աս կանգրնացուցել՝ որ ասում ան՝ թէ ԿՌ (60 000) խայ եարադով հազիր ան»¹⁸: Մի ուրիշ տեղ Գիլանենցը նշում է. «...և մեր հայոց ասկարն որ բոլորվել ան՝ ասում ան՝ թէ ԿՌ (60 000) մարդ այ...»¹⁹: 1726 թ. հունիսի վերջին Ղարաբաղից Բաքու ժամանած Սիմեոն Բալասանովը հայտնում է ռուսներին, որ Սղնախներում 60 000 զորք կա²⁰:

Հիրավի, վերոբերյալ տվյալների կողքին 56 հազարանոց «հայազունդ զորքի» մասին Տեր-Ավետիքի հաղորդումը բնավ էլ «ֆանտաստիկ» չի թրվում. Տեր-Ավետիքը հայտնել է Մխիթարյաններին 1720-ականներին Այսրեպոլիսում Աղնախների զորքերի ընդհանուր թվաքանակի մասին գոյություն ունեցող կարծիքը: Թե իրականում որքա՞ն է եղել Ղափան անցած զորքի քանակը՝ դժվար է ասել: Հասկանալի է, համեմայն դեպք, որ 56 000-ը չափազանցված թիվ է. միաժամանակ, այս թիվը հուշում է, որ Սղնախների սյունյաց առաջին ռազմերթը իրականացվել է, իրոք, մեծաքանակ զորաբանակով: Ասվածից աներկբա է դառնում, որ Ղափան անցած զորքի զորագույն «Յօհաննէսը» պատմագիտությանը հայտնի նույն Ավանյուզբաշուն է (Ղարաբաղի բարբառով Հովհաննեսը «Ավանես» է կամ Ավանե)²¹, որը 1720-ականներին Ղարաբաղի Սղնախների զինական ուժերի գերագույն զորահրամանատարն էր. «Հայոց մեծ իշխան Ավան ուզբաշին» (APO, II, թ. 330, c. 270), «ամենեցունց պատվականայգոնեղ հայոց իշխան Ավան ուզբաշին»²², «իշխանաշուք իշխանացազ գլուխ կարգեալ... պարոն Աւան բէկ

¹⁵ Ա. Գ. Աբրահամյան. Սյունիքի XVIII դարի ազատագրական շարժման պատմության շուրջ, էջ 172:

¹⁶ APO, II, թ. 194, c. 51. Վ. Կ. Ոսկանյան, Վ. Ա. Դիլոյան. Ռուսաստանի քաղաքականությունը Անդրեպոլիսում XVIII դարի. 20-ական թվականներին (նոր վավերագրեր).—«Պատմա-բանասիրական հանդես», 1964, № 2, փաստ. 2, էջ 253:

¹⁷ Г. А. Эзо в. Сношения Петра Великого с Армянским народом, СПб., 1898, док. 231, c. 359.

¹⁸ «Ժամանակագրութիւն Պետրոս դի Սարգիս Գիլանենցի».—«Կոռնելի Հայոց աշխարհին», 1863, թիվ 9, էջ 196:

¹⁹ Նույն տեղում, էջ 209:

²⁰ Ա. Գ. Աբրահամյան. Մի էջ..., էջ 110:

²¹ Լեո. Երկերի ժողովածու (տասը հատորով). Հայոց պատմություն, հ. 3, գիրք 3. Երևան, 1973, էջ 140:

²² Ա. Գ. Աբրահամյան. Մի էջ..., էջ 238, հմտ. APO, II, թ. 347, c. 287:

ուզրաշին»²³, «սղնախցիների պարագլուխ»²⁴, «հայոց զորքի տնօրեն Ավան-յուզրաշին», («армянского войска содержитель Аван Юзбашин» — տե՛ս АРО, II, док. 373, с. 317)²⁵:

Գալուվ Ն. Ադոնցի դիտողությունը, թե «Գուգարացի՝ Ղուկաս վարդապետի ենթադրությունն է, որ ներել կարելի էր, եթե Գաղարացի ասեր, համաձայն խորհնացու գործածության»²⁶, և Ա. Մադոյանի կողմից առաջ քաշվող հիշատակարանին, ուր ասված է, որ «...մինչ երկիրս ընդ տիրապետութեամբ պարսից իշխանութեանն կայր, ի թուականիս հայոց ՌՃՀԱ (1722) էր, եկն համբաւ յայնկոյս կողմանցն Կուր գետոյն, թէ գուգարացիք (այսինքն շաբեցիք) միարանեալ են ընդ լեռնարնակ ազգին լեզկաց՝ չժառայել բնակին իշխանութեան պարսից...»²⁷, — պետք է ասել, որ այս ամենը հիմք չի տալիս ժխտելու «Յօհաննէսի» և Ավան-յուզրաշու նույնացումը, ինչպես որ դա անում են Ն. Ադոնցն ու Ա. Մադոյանը: Ընդհակառակը, կարելի է նույնիսկ պնդել, որ «Գուգարքի» հասկացումը որպէս «Գագուրք» և վերոգրյալ հիշատակարանի պարզաբանումը («Գուգարացիք՝ այսինքն շաբեցիք») գալիս են ապացուցելու ոչ թե այն եզրահանգումը, ըստ որի «Հովհաննէսն այն Ավանն է, մինը չորս կտրիճ երիտասարդներն, որ զենքով դիմադրեցին լեռնականներին Զրարերդում»²⁸, այլ լրացուցիչ կովան են ընձեռում «Յօհաննէսի» և Ավան-յուզրաշու նույն անձնավորություն լինելը հաստատելու համար: Փաստարկը հետևյալն է. Շաբին մտնում էր Շիրվանի վիլայիթի մեջ²⁹, իսկ մեզ հայտնի է, որ հենց Շիրվանից էր Ավան-յուզրաշին Ղարաբաղ տեղափոխվել: Դեռ ավելին, ըստ ավանդության, Ավանը ծնվել է Շաբիում՝ Նուխի գավառի Ավան կամ Ավանդամ գյուղում, որտեղ որոշ ժամանակ ապրել է նրա ընտանիքը³⁰: Ավելի խոսուեն է այն փաստը, որ ժամանակակիցները Ավան-յուզրաշուն և Շիրվանից Ղարաբաղ անցած նրա զինակիցներին անվանել են «շիրվանցիներ», «Շիրվանայ տղէք» (տե՛ս АРО, II, док. 278, с. 187—188)³¹: Այսպիսով, եթե տրամաբանորեն զար-

²³ АРО, II, док. 228, с. 85: Այս վավերագրի առանձին համառոտ թարգմանության մեջ կարդում ենք. «Письмо одного архимандрита главного... к собранию армянскому к главному юзбаше Авану партикулярно (նույն տեղում, էջ 86):

²⁴ Թուրքական ազրուրները Հայաստանի, հայերի և Անդրկովկասի մյուս ժողովուրդների մասին, հ. Ա, էջ 159:

²⁵ Ավան-յուզրաշու մասին տե՛ս П. Т. Арутюнян. Указ. соч., с. 234—238, և АРО, I, с. XL—XLII: Պետք է նշել, որ Աշ. Աբրահամյանն Ավանին սխալ կերպով անվանում է Դիզակի յուզրաշի (տե՛ս Ա. Գ. Աբրահամյան. Մի էջ..., էջ 269: Նույնի՝ Սյունիքի XVIII դարի ազատագրական շարժման..., էջ 172): Նրան հետևելով, սխալը կրկնում է Ա. Մադոյանը (տե՛ս Ա. Գ. Մադոյան. նշվ. աշխ., էջ 193): Մինչդեռ, Ավան-յուզրաշու նրատավայր Քարապիտի կամ Շոշվա-գալա սղնախը գտնվում էր Վարանդայում (տե՛ս АРО, I, с. XXXIX—XLI):

²⁶ Ն. Ադոնց. նշվ. աշխ., էջ 126 (ընդգծումը Ն. Ադոնցինն է):

²⁷ Տե՛ս Ա. Գ. Մադոյան. նշվ. աշխ., էջ 186. տե՛ս նաև Նյուիթեր հայ մելիքության մասին, Ա պրակ, Առաքել վարդապետ, Դիզակի մելիքությունը. Վաղարշապատ, 1913, էջ 14:

²⁸ Ն. Ադոնց. նշվ. աշխ., էջ 126:

²⁹ Tadhkirat al-Muluk. A Manual of Safavid Administration, translated and explained by V. Minorsky, London, 1943, p. 102: հմտ. И. П. Петрушевский. Очерки по истории феодальных отношений в Азербайджане и Армении в XVI—начале XIX вв. Ленинград, 1949, с. 117, 144.

³⁰ Տե՛ս П. Т. Арутюнян. Указ. соч., с. 234—235:

³¹ Հարկ է հիշել, թերևս, որ Խարաբլ Օրին Շաբիի հայ զինվորական նվազագույն թվաքանակը 10 000 էր համարում, մինչդեռ, օրինակի համար, ըստ նույն հաշվարկի, Յիսիան

գացնենք ն. Ադոնցի և Ա. Մադոյանի առաջարկած հավասարեցումը, կրտսանանք հետևյալ բանաձևը. գուգարացիներ=գարգարացիներ (դս.գուրացիներ)—շաքեցիներ=շիրվանցիներ: Այսինքն, չՅոհաննէս պետն Գուգարացուց» նշանակում է՝ շիրվանցիների զորապետ Ավան-յուզրաշի:

Ինչևէ, անկախ այս նոր ենթադրության հավաստիության աստիճանից, կասկածից դուրս է, որ 1720-ականներին Ղարաբաղյան 56'000-անոց հայկական բանակի զորահրամանատար կարող էր հիշվել միմիայն Ավան-յուզրաշին: Հիշատակված վավերագրերից մեկում հենց նա է ուղղակիորեն նշված Հայոց Սղնախներում կենտրոնացած 30 000 հեծելազոր և 20 000 հետևակի գլխավոր հրամանատար: Նկատի ունենալով այդ փաստաթղթի զանազան տեղեկությունների կարևորությունը մեր հետազոտ հետազոտության համար, այն, հատվածաբար, ներկայացնում ենք ստորև. 1723 թ. նոյեմբերի 26-ին Անտոն քահանան Բաքվի ռուսական իշխանություններին հայտնում էր.

«Был он под городом Генжею назад тому с месяц, и в то время приступало ко оному городу турецкое войско, где был бой з 20 дней и слышно было, что турок было тамо с 80 000 и разорили за городом армянские слободы и многих армян побили. а других взяли в полон, чего ради за полонных посланы были от армянского войска юзбаша к турецкому Ибраим паше говорить, для чего они, турки армян разоряют. понеже де им велено оной город Генжю взять, а не их армян разорять, и Ибраим паша тех армян взятых в полон освободил, а потом турецкое войско ис под: Генжи позвратилось в Тефлис, а ис Тефлиса будто турецкое войско розпущено по домам, толко де осталось в Тефлисе с 4000... Армянского войска ныне в собрании в горе имяеуемой Согнате, а имянно конницы блиско 30.000, до пехоты блиско 20.000, которое войско разстоянием от города Генжи один день.

Командир при оном войске обретаеца юзбаша Аван, а намерение их иттить в Копанской уезд для того, что ис Копанского уезду приходили от армян же к юзбаше Авану, чтоб он с своим войском шел и соединился с ними. Шахово величество молодой ныне обретаеца в Ардивиле, а войска сказывают при дворе ево токмо с пять или с 6000, а намерен иттить в Реван. Да видел же он шахова войска в собрании у деревни Хадруда, блиско армянскова войска, с которыми у армянскова войска был бой (ибо подъезд с подъездом съехались) и от шахова войска убито 6 человек, а от армянскова войска один юзбаша ранен и сказывают, что шахова войска было при деревне Хадруд с 40.000 или больше, а при оном войске был главным командиром Залханов сын, а другой Муганской хан и от той деревни с войском ушли ночью, а слышно де было что пошли де к Худа Фарунову мосту, а вышеописанной бой был у них прошедшаго октября 20 дня [1]723 году» (АРО. II, док. 194, с. 51—52).

Այս փաստաթղթից երևում է, որ մինչև 1723 թ. հոկտեմբերի վերջը Սղնախները, թեև ստացել էին դափանցիների խնդրանքը, բայց դեռ չէին արշավել Սյունիք (այլապես այդ մասին տեղյակ կլիներ Անտոն քահանան, որը հոկտեմբերի 20-ին տակավին Ղարաբաղում էր՝ Հագրուսում): Փաստորեն, նրանք չէին էլ կարող նման քայլի դիմել, քանի դեռ Ղարաբաղի հյուսիս-արևելյան սահմաններին՝ Գանձակի մերձակայքում, 20-օրյա կատաղի մարտերում օսմանյան բազմահազարանոց բանակը³² ջախջախիչ պարտություն չէր կրել:

«հահանգը» տալու էր 6000 զինվոր (սե'ս Г. А. Эзов. Указ. соч., с. 35—36; 4մմ. Լեռ. նշվ. աշխ., էջ 56):

³² Տարբեր վավերագրերում օսմանյան բանակի թվաքանակը նշվում է 40-ից 80: հազար զինվոր (սե'ս АРО, II, док. 190, 194, 195, 237, 243, с. 46, 51, 53, 97, 104. սե'ս Լեռ. А. Г. Абрамян. Документы из истории совместной борьбы народов Закавказья против турецких агрессоров в первой четверти XVIII века.—«Հասմա-բանաթղթական», հանգիս, 1964, № 2, էջ 245—248):

Ծրբ է տեղի ունեցել Գանձակի ճակատամարտը: Աշ. Հովհաննիսյանի նախնական կարծիքով՝ 1723 թ. հունիսին (տե՛ս АРО, I, с. LXVI): Հետադաշտում նա թվագրել է Գանձակի 18—20-օրյա դիմադրությունը 1723 թ. ամռան ամիսներով³³, Պ. Հարությունյանը նշում է, որ այս ճակատամարտը եղել է 1723 թ. աշնանը³⁴, Ըստ Աշ. Աբրահամյանի, թուրքական բանակը Թիֆլիսից շարժվել է Գանձակ 1723 թ. հոկտեմբերի սկզբին, իսկ գրոհը քաղաքի վրա սկսել է հոկտեմբերի 9-ին³⁵, Ցավոք, երեք գիտնականներն էլ իրենց տեսակետը որևէ կերպ չեն հիմնավորում կամ բացատրում:

Վերոբերյալ վավերագրում Անտոն քահանան բավականին հստակ է նշում Գանձակի պաշտպանության ժամանակը. նոյեմբերի 26-ին ժամանելով Բաքու, նա հայտնում է, որ մեկ ամիս առաջ ինքը եղել է Գանձակի մոտակայքում և հենց այդ օրերին էլ թուրքական բանակը փորձել է գրավել քաղաքը, այսինքն՝ խոսքը 1723 թ. հոկտեմբերի մասին է³⁶, նույն իրողությունն են հուշում նաև Գանձակի մարտերի մասին մեզ հասած թվագրված վավերագրերը, որոնք բոլորն էլ գրված են 1723 թ. նոյեմբեր-դեկտեմբեր ամիսներին³⁷, Այս ճակատամարտի մասին առաջին արձանագրությունը գտնում ենք Պետրոս I-ին Սղնախների քաղաքական ղեկավար շրջանակի 1723 թ. նոյեմբերի 1-ին հղված նամակում. «...օսմանցին եկն, Վրաց տուն առավ, և եկն մինչև ի Գանջայ, ի (20) օր ժեծեց զքաղաքն և դարձաւ...» (АРО, II, док. 192, 193, с. 48, 50): Քանի որ բոլոր աղբյուրները ճակատամարտի տևողությունը նշում են 18—20 օր³⁸, հնարավոր է, որ Աշ. Աբրահամյանը 1723 թ. նոյեմբերի 1-ի նամակի³⁹ ժամանակի հաշվառումով է փորձել պարզել Գանձակի վրա օսմանյան բանակի գրոհի սկիզբը, այսինքն, նոյեմբերի 1-ից հանել է 20 օր և ստացել է հոկտեմբերի 9-ը: Պարզ է, սակայն, որ նոյեմբերի 1-ի նամակը Պետրոս I-ին կարող էր գրվել ոչ միայն ճակատամարտի ավարտի հաջորդ օրն իսկ, այլ նաև՝ որոշ ժամանակ անց: Այսպես ենք ասում, որովհետև Անտոն քահանայի հաղորդած՝ հայկական և պարսկական զորաշուկատների միջև 1723 թ. հոկտեմբերի 20-ին Հաղրութի մոտ տեղի ունեցած միջադեպը վկայում է, որ Գանձակի համար մարտերը շարունակվել են առ առավելն մինչև 1723 թ. հոկտեմբերի 20-ը: Դեպքի նկարագրությունից միանգամայն պարզ է, որ պարսկական զորաբանակը Ղարաբաղ ներխուժելու դիտավորություն չուներ. տեղի ունեցածը պատահական կարճատև ընդհարում էր հայկական և պարսկական զորքերի առաջապահ ջոկատների միջև՝ «ибо подъезд с подъездом съехались»⁴⁰, Պար-

³³ Հայ ժողովրդի պատմություն, հ. IV, էջ 155:

³⁴ П. Т. Арутюнян. Указ. соч., с. 170.

³⁵ А. Г. Абрамян. Документы из истории..., с. 244.

³⁶ Ուշագրավ է, որ նույն կապովորը 1723 թ. օգոստոսի 17-ին առհասարակ չի խոսում Գանձակի համար իրր մղվող կամ արդեն մղված մարտերից, ընդհակառակը, նա հաղորդում է, որ այդ ժամանակ «Գանձակում ոչ մի թուրք. (իմա՝ օսմանցի—Ա. Ա.) չկար» (АРО, II, док. 188, с. 44):

³⁷ Տե՛ս АРО, II, док. 192—193, 194, 195—196. Նդիա Կարենցու դիմանը, առաջարանը և ծանոթագրությունները Ա. Գ. Աբրահամյանի. Երևան, 1968, փաստ. 121, 124, 137:

³⁸ Բացի արդեն նշված վավերագրերից տե՛ս նաև Թուրքական աղբյուրները Հայաստանի, հայերի և Անգրկովկասի մյուս ժողովուրդների մասին, հ. Ա, էջ 137:

³⁹ Աշ. Աբրահամյանը 1964 թ. (իր հոդվածի դրման պահին) այս փաստաթղթին կարող էր ծանոթ լինել Կ. Նզլանի ժողովածուից.— տե՛ս Г. А. Эзов. Указ. соч., док. 232.

⁴⁰ Այս ընդհարման ժամանակ 6 սպանված պարսիկ զինվորների թիվը «Հայ ժողովրդի պատմության» ակադեմիական բազմահատորյակում, անհասկանալի պատճառներով, հասցվել է 2000-ի (տե՛ս Հայ ժողովրդի պատմություն, հ. IV, էջ 150): Ընդ որում բազմահատորյակում այս առթիվ հղված են «Հայ-առևանական հարաբերությունները XVIII դ. առաջին երեսնամյակում» ժողովածուի № 194 և 195 վավերագրերը (տե՛ս АРО, II): Առաջինի տվյալները մեզ հայտնի են, իսկ № 195 վավերագրում Հաղրութի մոտ տեղի ունեցած «ճակատամարտի» մասին ակնարկ իսկ չկա:

սից զորքը գնում էր դեպի Խուդաֆերինի կամուրջը, անշուշտ, նպատակ ունենալով անցնել այն և միանալ Ատրպատականում դեգերող շահ Թահմասպ II-ի փոքրաթիվ ուժերին⁴¹։ Սա նշանակում է, որ օսմանցիները, Գանձակի ճակատամարտը տանուլ տալուց հետո, մինչև հոկտեմբերի 20-ը արդեն իսկ հտ էին դարձել, այլապես անհասկանալի կլիներ թուրքական վտանգն իր թիկունքում թողած պարսկական խոշոր (ըստ Անտոն քահանայի՝ 40 000-անոց) բանակի շարժումը դեպի Խուդաֆերինի կամուրջը։ Այսպիսով, եթե նկատենք, որ Գանձակի պաշտպանությունը տևել է 18—20 օր, ընդունելու ենք, որ թուրքերի գրոհը Գանձակի վրա սկսվել է 1723 թ. սեպտեմբերի վերջին կամ հոկտեմբերի առաջին օրերին։

Որպեսզի պարզ լինի օսմանյան բանակի կրած պարտության և դրանից բխող քաղաքական հետևանքների ամբողջական պատկերը, մեքենքենք ժամանակակիցների մի շարք վկայություններ։ Անտոն քահանայի վերը բերված տեղեկություններից մեկի համաձայն, Գանձակի մատուցներից Թիֆլիս վերադառնալուց հետո օսմանյան բանակի մեծ մասը ցրվում է տներում։ 1723 թ. դեկտեմբերի 20-ին Շամախիից Ալեքսան քահանան այդ մասին գրում էր. «Կանչու վերայ փախան հոռմեցիքըն (իմա՝ օսմանցիները—Ա. Ա.)։ ԹՆ (9000) մարդ էր կողօքվել⁴²։ Գնացին Թիֆլիզ, կեսըն մնացին Թիֆլիզ, կեսըն գնացին Հսղանպուլ, որ արդ անէն իւրեանց խոնթբարին, էլ շաղ ղօշուն վեր առնէն, հազքաշի կան, որշափ որ երկիր կայ, առնուն» (APO, II, док. 195, 196, с. 53, 55)։ 1723 թ. դեկտեմբերի 5-ին (հին տոմարով՝ նոյեմբերի 24-ին) Նդիա Մուշեղյան Կարնեցին նամակ է ստանում շահ Թահմասպ II-ի գործերի կառավարիչ Միրզա Ալինաղիից, ուր ասված էր. «Օսմանցու էհուլան՝ էն ժամանակն որ Գանձակու յերկրին վրա որ եկել էյին, որ Գանջա բռնեն, քաղաքացոց և օսմանցոց մեշն 7 անգամ կուի անկաւ, ամէն անգամ օսմանցին կոտր կերաւ։ Նրանց թօփխանան պարսից ձեռ անկաւ։ Յօթն կովումն էՆ (7000) մարդ օսմանլուիցն կոտորվիլ է։ էն ժամումն Մահմատ ղուլի խանն էլ հասել է։ էբգրմա Իպրահիմ փաշան ամա՛ն են կանչել և փախել...»⁴³։ 1723 թ. դեկտեմբերի 25-ին (հին տոմարով՝ դեկտեմբերի 14-ին) Նդիա Կարնեցին մի գրովթյուն է ստանում Աստառայի «սպառապետ» (սարդար) Մուստաֆա խանից, որտեղ նույն դեպքերի մասին ասված էր. «...բարձր բանակիցն խապար հասաւ թէ՛ մեծ աստիճանաւոր թաքաւորն, որ է թաքաւորն օսմանցոց, բարիշուքեան հիմ գրել է և բարեկամութիւն և բնական սահմանքն որպէս որ կար այնպէս կապել են, և նրա գորքն, որ Գանձա կոտորվել էյին և կորել էյին, մնացած զորքն ամէն տեղաց յետ է գարձուցել և բարեկամութիւնն նորել և ամուր են արել»⁴⁴։ 1723 թ. վերջին Կ. Պոլսի Վենետիկի դեսպանը ժանուցում էր, որ Գանձակի համար մղված ճակատամարտում Իբրահիմ փաշան ծանր պարտություն է կրել, զոհ տալով իր 50 000-անոց զորաբանակի երկու հինգերորդը⁴⁵։

Բերված տվյալներից պարզվում է, որ Գանձակի պարտությունից հետո

⁴¹ 1723 թ. հոկտեմբերի 20-ին Հադրուքի մոտով անցած պարսկական բանակի առաջնորդներից մեկին՝ Մուղանի խանին, հաջորդ տարվա զարնանը տեսնում ենք խոյում տեղակայված Թահմասպին հավատարիմ զորքերի հրամանատարի պաշտոնում (տե՛ս Армянское войско в XVIII веке (исследование и документы). Подготовил к изданию А. Н. Хачатрян. Ереван, 1968, док. 3, с. 102)։ Թուրք պատմագիր Չելեբի-Ջադեի հաղորդած տեղեկություններից պարզվում է նաև Մուղանի խանի անունը՝ Սեֆի-Կուլի խան (տե՛ս Թուրքական աղբյուրներ..., հ. Ա, էջ 157)։

⁴² Աշ. Աբրահամյանը կարծում է, որ այս թիվը կարելի է կարգալ և ԲՆ (2000) մարդ (տե՛ս Ա. Գ. Աբրահամյան. Մի էջ..., էջ 144)։

⁴³ Նդիա Կարնեցու դիմանը, փաստ. 121, էջ 229։

⁴⁴ Նույն տեղում, փաստ. 137, էջ 249։

⁴⁵ M. L. Shay. The Ottoman Empire from 1720 to 1734. As Revealed in Despatches of the Venetian Bailly. Urbana, 1944, p. 111.

օսմանյան վտանգը Սղնախների համար առժամանակ վերանում էր: Ղարաբաղի հայ զինվորությունը իրեն այնքան վստահ է զգացել, որ նույնիսկ պահանջել է իբրահիմ փաշայից հայ զորիներին ազատ արձակել, և սա էլ, հաշվի նստելով ուժերի ստեղծված իրական հարաբերակցության հետ՝ կատարել է Սղնախների պահանջը (տե՛ս Անտոն քահանայի վերը բերված տեղեկությունները):

Պարսից ուժերի կողմից նույնպես սպառնալիք չկար, ընդհակառակը՝ սրանց և Սղնախների միջև դաշնակցության եզրեր գտնելու միտում էր ներկատվում. 1723 թ. հուլիս—օգոստոսին Սղնախների մի զորաշրկատ Հաջի Դավութ խանի առջև փակում է Գանձակ տանող ճանապարհը և թույլ չի տալիս անցնել Կուր գետը. «И хотел итти... Даудбек по другой стороне Курь для взятия Генжи и армянское войско до Генжи онаго Даудбека не допустили и ныне он стоит на Куре с войском своим з двумя тысячи человеки» (АРО, II, док. 188, с. 44): Նույն վավերագրում կա նաև շափազանց հետաքրքրական մի տեղեկություն. «А сын шахов (իմա՝ Թահմասպ II-ը—Ա. Ա.) живет в Тевризе с войским своим з десяти тысячи, а к походу он никуда не намерен, только де пишет ко армянскому войску з дружелюбием и повелевает ежели де сколько вашей мочи будет, то побейте лезгинцов Даудбеково войско, только де моего войска людей не трогайте» (նույն տեղում):

Այս փաստերի վերլուծությունը բերում է հետևյալ եզրահանգման. Թիֆլիսի անկումով (1723 թ. հունիս)⁴⁶ օսմանցիների կողմից ամբողջ Այսրկովկասի ռազմական վտանգն ահագնացել էր. օսմանյան բանակի (որի առաջնահերթ խնդիրն այժմ արդեն Գանձակի գրավումն էր) և նրա դաշնակից Դաղստանի լեռնականների գործողությունների ծավալումը հավասարապես սպառնում էր և՛ Ղարաբաղի հայոց Սղնախներին, և՛ Գանձակի պարսկական իշխանություններին: Հակաօսմանյան այս երկու ուժերի միջև առաջացավ ընդհանուր շահերի որոշակի շրջանակ, որի հետևանքով էլ 1723 թ. երկրորդ կեսի ընթացքում Ղարաբաղի հայության բռնած դիրքը շահ Թահմասպ II-ի արքունիքի կողմից չէր դիտվում որպես բացահայտ հակապարսկական խռովություն:

1723 թ. Գանձակի պաշտպանությանը, մահմեդական և վրացական պարսկամետ ուժերի հետ միասին, մասնակցում էին ոչ միայն քաջաքի և շրջակա գյուղերի հայ բնակիչները, այլև Ղարաբաղի հյուսիսային Սղնախների զորամասերը⁴⁷: Այդ Հովհաննիսյանն իրավամբ նկատում էր, որ Սղնախների հայ զինվորության և Գանձակի խանական ուժերի միջև 1724 թ. մարտի 24-ին կնքված պայմանագիրը վավերացումն էր, փաստորեն, այն համագործակցության, որ իրականացավ 1723 թ. «Գանձակի ու մերձակա շրջանների մուսուլման և քրիստոնյա բնակչության համատեղ դիմադրությունը»⁴⁸: Այս փաստը հատուկ նշանակություն է ձեռք բերում, երբ նկատում ենք, որ թուրքական վտանգը միայն ժամանակավորապես էր մերացել: Մի շարք փաստաթղթեր նշում են, որ Գանձակի պարտությունից հետո թուրքերը պատրաստություններ էին տեսնում վերադառնալու և «վրեժխնդիր լինելու» համար՝ «и готовятся паки на нас для отмщения победы нзшей» — գրում էին գանձակեցիները⁴⁹: Ուստի և, Ղարաբաղի հայոց

⁴⁶ АРО, I, с. LIII. Հայ ժողովրդի պատմություն, հ. IV, էջ 148:

⁴⁷ АРО, I, с. LXVI—LXVIII. Հայ ժողովրդի պատմություն, հ. IV, էջ 155:

⁴⁸ Հայ ժողովրդի պատմություն, հ. IV, էջ 155:

⁴⁹ А. Г. Абрамян. Документы из истории..., с. 246, 247, 248. Հմմտ. АРО, II, док. 190, 237, с. 46, 97: Թվում է, վերջին երկու վավերագրերը ժողովածուում (АРО, II) ժամանակագրորեն ճիշտ չեն զետեղված (առաջինի ժամանակը նշված է 1723 թ. ամառը,

Սղնախների և Գանձակի մահմեդական ուժերի միջև 1723 թ. հոկտեմբերին իր հաղթական արդյունքները տված դաշնակցությունը պիտի գոյատևեր ու իր վավերագրական արտահայտությունը ստանար 1724 թ. մարտի 24-ի պայմանագրում⁵⁰:

Լրկորդին՝ 1724 թ. սարտը: Աշ. Հովհաննիսյանը ծանոթագրում է, որ № 190 վավերագիրը թվագրելիս հաշվի է առել Երևանի գրավման ժամանակը (տե՛ս АРО, II, с. 344, прим. 109): Այդ դեպքում անհասկանալի է, թե ինչու է այս վավերագիրը ժողովածուում հայտնվել 1723 թ. ամռան թվագրությունով (թեկուզ և «ամառը» գրված է հարցականով), չէ՞ որ օսմանցիները գրավել են Երևանը 1724 թ.: Այստեղ, սակայն, էականն այլ բան է. նշված երկու վավերագրերն էլ հստակ գրում են, որ «Երևանի նահանգում» ավերածություններ անելուց հետո ի օսմանյան 70 000-անոց բանակը շարժվել Գանձակի վրա. «...повелитель турской... учинил на страну нашу воинское нападение, в провинции Иреванской разорил христианскую церковь, Святые Троицы и пресек христианскую веру, а из наших мечетей эделал конюшни, и после того прислал семьдесят тысяч войска с пашами, с артиллериею и с пушками и с бомбами для взятия города Генжи» (АРО, II, док. 190, с. 45, 46. հմտ. док. 237, с. 97). 1723 թ. նոյեմբերի 1-ի հիշյալ նամակում նույնպես խոսվում էր Ս. էջմիածնի Աթոռի, վանականների և վանքերի ծանր կացության մասին (АРО, II, док. 192, 193, с. 49, 50): Հետևապես, նկարագրված դեպքերը «Երևանի նահանգում» եղել են մինչև 1723 թ. հոկտեմբերի Գանձակի հակառակորդը և ոչ մի կապ չունեն 1724 թ. իրադարձությունների հետ: Բովանդակությունից դատելով № 190 և 237 վավերագրերը պետք է գրված լինեն 1723 թ. նոյեմբեր-դեկտեմբեր ամիսներին:

⁵⁰ Այդ զինակցությունը գործում էր նաև 1725 թ. (տե՛ս Վ. Կ. Ոսկանյան, Վ. Արիսյան, Նշվ. աշխ., փաստ. 13, էջ 261. АРО, II, док. 304, 310, 312, с. 221, 222, 236, 241, 243): Ժողովածուում (АРО, II) № 304 վավերագիրը թվագրված է 1724 թ. աշունով: Սա ակնհայտ թյուրիմացություն է. վավերագրում հիշատակվում է 4700 հոգուց բաղկացած թուրքական զորաբանակի շարզը՝ Վարանդայում և նշված է այդ հաշող գործողության օրը՝ մարտի 1-ը (տե՛ս նույն տեղում, էջ 221, 222): Արդ, 1725 թ. մարտի 10-ին գրված № 309 և 310 վավերագրերից հաստատապես իմանում ենք, որ հիշյալ զեպքը տեղի է ունեցել 1725 թ. մարտի 1-ին (տե՛ս նույն տեղում, էջ 234, 236): № 304 վավերագրում նշված է նաև, որ Վարանդայի հաղթանակի մասին մանրամասնությունները բերված են մեկ այլ նամակում: Հետևաբար, № 304 վավերագիրը, № 309 և 310 վավերագրերի (որտեղ և բերված են այդ մանրամասնությունները) հետ միասին, ուղարկվել է 1725 թ. մարտի 10-ին կամ դրան հաջորդած մոտ օրերից որևէ մեկին:

Մեկ ճշգրտում ևս: Նույն զեպքի մասին հայտնում է նաև Իվան Կարապետը՝ կոմս Պ. Տոլստոյին հղված 1725 թ. մայիսի 11-ի իր գեկուցագրում (АРО, II, док. 312, с. 241—243): Նրա պատմածի մեջ, սակայն, որոշ նորություններ կան, ինչպես, օրինակ, տվյալներն այն մասին, որ Վարանդայի ջարդից հետո հայերը 200 սպանված թուրք զինվորների զլուխներ ընծա են ուղարկել շահ Թահմասպ II-ին (իսկ նա, ի պատասխան, Սղնախների զլխավոր-զորահրամանատարներին մի-մի «կաֆտան» է նվիրել), որ Թահմասպը զորք է հավաքել և պատրաստվում է կոխվ տալ աֆղանների դեմ, որ թուրքերը մտադիր են Երևանից արշավել Գանձակի վրա. որ զենքերի Մատուշկինը Սագրադ (Ստրատ) Սերգեն անունով մի սուրհանդակ է Սղնախներ ուղարկել և այլն: Ահա այս նոր տեղեկություններն էլ ռուսաց արքունիքի պաշտոնյաները հարկ են համարել ներկայացնել առանձին համառոտ գեկուցով, որը և ժողովածուի խմբագրությունը սխալմամբ թվագրել է 1724 թ. հունիսի 23-ով (АРО, II, док. 253, с. 114—115): Այստեղ թույլ է տրված երկու անճշտություն. 1) իրականում նամակը գրվել է 1725 թ. և ոչ 1724-ին. 2) նամակը, որի հիման վրա կազմվել է հիշյալ գեկուցը, գրվել է մայիսի 11-ին և զինվորական փոստով Բաքվից Մոսկվա է ուղարկվել հունիսի 23—24-ին («Получено при доношении генерал-лейтенанта господина Матюшкина № 14 из Баки от 23 июня»): Ասվածի հետ մեկտեղ պետք է նշել նաև, որ ժողովածուի առաջարկում ճիշտ չի մեկնաբանված № 253 վավերագրի հետևյալ հաղորդումը. «Армяне по учиненном поиске над турками пристаю к стороне персической и послали к шаху двести голов и идут с персиянами на время помиритпа пока дождутся помощи российской»: Այս հաղորդումը նկատի ունենալով և ընդունելով վավերագրի սխալ թվագրությունը (1724 թ. հունիսի 23), Աշ. Հովհաննիսյանը գրում է, որ 1724 թ. մարտին Գանձակի մա-:

Գանձակ-Ղարաբաղի տարածաշրջանում հայ-մահմեդական զինյալ դաշինքի առկայությանը և օսմանյան բանակի ջախջախումով նվազում էր նաև Խաղսաանի լեռնականների կողմից ներկայացվող վտանգը: 1724 թ. մայիսի 29-ին Մոսկվայում ստացված (այլ ոչ այդ օրը գրված, ինչպես նշված է ժողովածուում) նամակում Մուհամմադ Կուլի խանը ընդգծում էր, որ քանի դեռ օսմանյան զորքերը կրկին չեն երևացել այդ կողմերում, լեզգիներն անորոշ ու անգործունյա վիճակի են մատնված (АРО, II, док. 244, с. 107): Այսպիսով, 1723 թ. հոկտեմբերի վերջից Ղարաբաղի հայոց Սղեախեն-բը առժամանակ զերծ էին մնում արաբֆին սպառնալիքներից:

Այս հենքի վրա դիտելով Սղեախենների քաղաքական և ռազմական պարագլուխների՝ 1723 թ. նոյեմբերի 1-ի ուղերձը Պետրոս I-ին, հանգում ենք մի շարք հետևությունների. ա) նամակում կարդում ենք. «Ի շորից կողմանց թշնամիք մեր յարուցեալ կան ի վերայ մեր... զի մէկ դիմաց օսմանցին եկն, վրաց տուն առաւ, և եկն մինչև ի Գանջայ, Ի (20) օր ծեծեց զքաղաքն և դարձաւ. և մէկ դիմաց Պարսից, մնացեալքն փոյթ ընդ փոյթ դան ի վերայ մեր. միւս դիմաց Տաղստանցին և լազկին ասպատակեն զմեզ» (АРО, II, док. 192, с. 48; ср. док. 193, с. 50): Կարող ենք պնդել, որ արժարժված մտահոգությունները չէին վերաբերում նամակի գրման պահին՝ 1723 թ. նոյեմբերի սկզբին Սղեախենում և նրանց շուրջը ստեղծված իրադրույթյանը, այլ խոսում էին անցած և գալիք վտանգներից՝ այդպես ցանկանալով շեշտել նամակագիրների ռուսական կողմնորոշումը: Այս իրողությունը երևակում է նաև ուղերձի հետևյալ տողերում. «Ահա այս է ժամանակ զմեզ ի ծառայութիւն ստանալոյ, զի թագաւորն Պարսից յոյժ նուաղեցաւ, և ոչ իսկ երևի, և իշխանութիւն օսմանցոյն տակաւին առ մեզ ոչ է հասեալ...» (նույն տեղում, էջ 48—49, հմմտ. էջ 50): Բ) Իրենց վերապահված հարաբերական անվտանգության և կայունության ժամանակամիջոցը Սղեախենը համարում էին 1—2 ամիս. «Ահա մինչև ի մէկ Բ (2) ամիսն եթէ զօրապետ և զօրք ի հրամանէ քումմէ ոչ հասանիցեն առ մեզ, այնպէս համարեսցի տէրութիւն քոյ, որ զմեզ ազգաւմբ կրառնան ի միշոյ թշնամիք խաշին Քրիստոսի» (նույն տեղում):

Այսպիսի գնահատականի համար, իրոք, որոշակի հիմքեր կարին. 1723 թ. հոկտեմբերի 27-ին Կ. Պոլսի ռուսական ռեզիդենտ Իվան Նեպլյուևը գրում

մեղականների և Ղարաբաղի հայերի միջև հայտնի պայմանագրի կնքումից հետո երկու կողմերը շահ Քահմասպ II-ի մոտ են ուղարկում 200 հոգուց բաղկացած պատվիրակություն (АРО, I, с. LXXIV): Մինչդեռ իրականությունը բոլորովին այլ է. 1725 թ. մայիսի 11-ի իր նամակում (որը № 253 վավերագրի միակ սկզբնաղբյուրն է) Իվան Կարապետը, ծանուցելով 1725 թ. մարտի 1-ի թուրքական բանակի ոչնչացման մեզ հայտնի դեպքի մասին, ավելացնում է. «Как это дело сделали, почтили с князидашем мир: два сто годовых послали до шаха» (АРО, II, док. 312, с. 241, 243): Պարզ է, որ խոսքն այստեղ ոչ թե 200 հոգիանոց պատվիրակության, այլ 200 սպանված թուրք զինվորների գլուխները շահ Քահմասպ II-ին նվեր ուղարկելու մասին է, մի երևույթի, որը միանգամայն հարազատ էր տվյալ ժամանակաշրջանին: Այս կամ նման դեպքի մասին էր վախժանդ VII-ին հաղորդում Սարիդան-բեկը 1726 թ. ապրիլին. «Сигнатпы турка трижды победили, и рубленые головы турецкие... (այստեղ երկու բառ անընթեռնելի է մնացել) к шаху привез» (տե՛ս Վ. Կ. Ոսկանյան, Վ. Ա. Դիլիսյան, նշվ. աշխ., փաստ. 19, էջ 265): Ավելի ուշ Դավիթ-բեկը նույնպես շահ Քահմասպ II-ին ընծա է առաքում «երկու բեռինս գլխովք սպանեցից» (ՊՏԱ, էջ 139. հմմտ. Համապատում, էջ 173՝ «[Դավիթ-բեկը] առաքեաց Շահ-Քամաղ արքային Պարսից զշորս բեռինս գլխովք սպանելոց ի բազմութենէ կոտորածին, զորս հասուցին Օսմանցոց»):

Եվս երկու վավերագիր՝ № 243 և 244, ժողովածուում թվագրված են նույն սխալ մոտեցմամբ, այն է՝ փոստը Բաքվից Մոսկվա ուղարկելու (կամ Մոսկվա հասնելու—տե՛ս АРО, II, док. 243, с. 104) օրը ընդունված է որպես վավերագրերի ծննդյան օր (տե՛ս АРО, II, с. 104, 105; ср. АРО, I, с. LXXII, LXXIII):

էր, որ թուրքերը հոխորտում են, թե ձմռանը իրենք կգրավեն Երևանն ու Քալբիզը (APO, II, док. 270, с. 153): Դեռևս նույն թվականի օգոստոս-սեպտեմբերին լուրեր էին տարածված Երևանի վրա թուրքական բանակի հարձակվելու մասին⁵¹: Հարկ է նշել, որ նախքան Այսրկովկասի օսմանյան ռազմակալումը, 1720-ականների սկզբին գրված փաստաթղթերում բազմիցս շեշտվում էր Երևանի ռազմաստրատեգիական մեծ նշանակությունը. այսպես, 1722 թ. դեկտեմբերի 12-ին Մինաս արքեպիսկոպոս Փերվազյանը Մինաս վարդապետին գրում էր. «Եւս յԵրևան Իրանու երկրին բանալիքն է. քեզ ևս զահիր է մեր մաթլապն (նպատակը—Ա. Ա.), այս է, որ Երևան ձեռք բերեմք, այլ Օսմանյուն և խզրլպաշն ոչ ինչ կաբել չեն պաշարում (ոչինչ չեն կարող հաղորդեցնել—Ա. Ա.)»⁵²: Այս առումով մեզ ծանոթ փաստաթղթից ուշագրավ է Անտոն քահանայի այն տեղեկությունը, որ շահ Քահմասպ II-ը մտադիր է արշավել Երևան (APO, II, док. 194, с. 51): Նույն ամիսներին (1722 թ. երկրորդ կեսին) բրիգադիր Վասիլի Լեաշովը հայտնում էր, որ Քահմասպը «Երևանի պաշտպանության համար մարդ է հավաքում» (APO, II, док. 197, с. 56): 1723 թ. հոկտեմբերի 29-ից մինչև 1724 թ. փետրվար ամիսը Քահմասպ II-ին գտնում ենք «Նախիջևան նահանգի Նախիջևան քաղաքում»⁵³, որտեղ նա, ակնբերաբար, անցել էր Երևանի պաշտպանությունը ավելի մոտից կազմակերպելու մտադրությամբ:

Վերադառնանք Ղարաբաղի հայ զինվորության սյունյաց առաջին ռազմարշավի խնդրին: 1723 թ. նոյեմբերի 26-ին շամախեցի Անտոն քահանայի Բաքվում տված տեղեկությամբ, հոկտեմբերի վերջին (երբ Անտոն քահանան դեռ Ղարաբաղում էր) Սղնախների հայոց զորքի առաջնահերթ նպատակը Ղափան արշավելն էր՝ ի պատասխան Ղափանի հայերի դիմումի: Իվան Կարապետը, 1723 թ. դեկտեմբերի վերջին գալով Ղարաբաղ⁵⁴, այդտեղ է գտնում Ավան-յուզբաշուն և նրա զինակիցներին. մեզ է հասել Ավան-յուզբաշու ստորագրությամբ Իվան Կարապետին տրված մի վստահագիր, որը թվագրված է 1724 թ. հունվարի 5-ով (APO, II, док. 198): Այդ պահից մինչև 1724 թ. ապրիլի հայտնի օգնական արշավանքը, Ղարաբաղից Իվան Կարապետի հաճախակի պարբերականությունը ռուսներին հրդաված մանրամասն զեկոնցագրերի մեջ որևէ տվյալ չկա սղնախիցիների Ղափան կատարած արշավանքի մասին: Այս ամենից եզրակացնում ենք, որ Իվան Կարապետի Ղարաբաղ ժամանելու պահին Ավան-յուզբաշու զորաբանակը Ղափանից արդեն վերադարձել էր: Այսպիսով, Տեր-Ավետիսի նկարագրած՝ Ղարաբաղի հայոց զորքի առաջին օգնական ռազմերթը Սյունիք տեղի է ունեցել 1723 թ. նոյեմբերի 1-ից (Պետրոս I-ին նամակ գրելու պահին Ավան-յուզբաշուն և մյուս զորահրամանատարները դեռ Ղարաբաղում էին) մինչև 1724 թ. ընկած ժամանակահատվածում, առավել հավանական է՝ 1723 թ. նոյեմբերին:

Հիրավի, Սղնախները պիտի փորձեին ամեն կերպ օգտագործել 1723 թ. նոյեմբեր-դեկտեմբեր ամիսներին ստեղծված բարենպաստ իրադրությունը՝ օսմանյան ներխուժման նախօրեին իրենց դիրքերն ամրապնդելու համար: Այս խնդրի իրագործման համար կարևորագույն միջոցը, թերևս, Ղափանում գործող հայ ապստամբ ուժերի հետ առավել կայուն և անմիջական կապի

51 «Կոունկ հայոց աշխարհին», 1863 թիվ 9, էջ 207. «Եղիա Կարենցու դիմանք», փաստ. 112, էջ 215: APO, II, док. 267, 268, с. 143—144, 146.

52 APO, II, док. 169, 170, с. 19, 21—22; ср. док. 165, с. 9, 12, 13. Ժամանակին Իսրայել Օրին էլ էր տեղեկացրել ռուսաց ցարին, որ Երևանի բերդը դրավելով, հեշտ է տիրանալ ամբողջ երկրին (տե՛ս Г. А. Эзов. Указ. соч., с. XXXVIII):

53 Տե՛ս Մաշտոցի անվ. Մատենադարան. ձեռ. № 1915, էջ 280ր. վ. 4. Ոսկանյան, Վ. Ա. Դիւ յ յ ա ն. նշվ. աշխ., փաստ. 2, էջ 233: Եղիա Կարենցու դիմանք, փաստ. 121, էջ 223: APO, II док. 204, 205, 206, 207, 210, 214, 215, с. 62, 64, 65, 66—67, 70, 72, 74.

54 Ա. Գ. Աբրահամյան. Մի լշ... էջ 30—31.

հաստատումն էր: Ավելի ուշ, 1724 թ. ապրիլի 4-ին իվան Կարապետը դրանից էլ ընդարձակ էր ներկայացնում հայ զինվորության ծրագիրը. «Եւ էս հայերին մեշտեղն Քուրդ կայ: էս հայերն ասում ան, թէ... կուգնանք Քուրտին վերէն. քուրան փշացնենք, որ տեւէս մինչի Երևան ողջ հայեր ան՝ Ա(1) կուտառնան» (APO, II, док. 239, с. 99): Ավան-յուզբաշու զորքի կողմից Որոտնա բերդի պաշարումը բնավ պատահական չէր: Տեր-Ավետիքի պատմածից պարզ է, որ դարաբազցիների արշավանքի պահին Ղափանում միայն երկու «թուրքական» հենակետ էր մնացել՝ Զեու և Որոտնա բերդերը (տե՛ս ՊՏԱ, էջ 133): Բնական է, որ Ավան-յուզբաշու զորաբանակը, որի կողմիցը կազմում էին Շոշի սղնախի «շիրվանցի» մարտիկները, փորձելու էր ոչ թե խորանալ բուն Ղափանի խորքերը՝ դեպի Զեու, որը շատ ժամանակ կխլեր, այլ վերացնել նախիջևանից, Մեղրիից և Արարատյան դաշտից Ղափանի անցնող տարանցիկ բանուկ մայրուղիների և տեղական ճանապարհների հանգուցակետի շրջանում գտնվող Որոտնա բերդի թշնամական կայազորը⁵⁵: Դրանով իսկ Սղնախները նպաստում էին Արևելյան Հայաստանի հայկական զինված ուժերի միավորման կարևորագույն խնդրին՝ «որ տեղէս մինչի Երևան ողջ հայեր ան՝ Ա(1) կուտառնան», և, միաժամանակ, լուրջ օգնություն էին ցույց տալիս ուժերի գերլարումով կոմոլդ Ղափանցիներին: Հավանաբար, հենց այդ մասին էր Ավան-յուզբաշուն խնդրել Դավիթ-բեկը, որն իրեն հենակետ կառուցելով Զեու բերդից ոչ հեռու գտնվող Հալիձորի անապատում՝ ինքը պիտի հոգար Զեուի գրավման գործը:

Տեր-Ավետիքի վկայությամբ, «Յօհաննէսը», այն է՝ Ավան-յուզբաշին, Տաթևից վերցնելով Դավիթ-բեկի գանձարանը, վերադառնում է Ղարաբաղ, (ՊՏԱ, էջ 133. հմմտ. Համապատում, էջ 152): Սա նշանակում է, որ միջնադարի օրենքները գործում էին նաև Ղարաբաղի և Ղափանի հայ զինվորությունների փոխհարաբերություններում. գանձարանի բռնագրավումը, հավանորեն, սղնախցիների կողմից համարվել է արշավանքի ձեռնարկման և Որոտնա բերդի պաշարման դիմաց իրենց հասանելիք վարձք: Այդ դրվագը փաստում է նաև, որ Դավիթ-բեկը նոր էր հաստատվել Հալիձորում և դեռ չէր հասցրել Տաթևից տեղափոխել իր գանձարանը:

Ըստ Տեր-Ավետիքի, Զեուն գրավվել է «Յօհաննէսի» զորաբանակի արշավանքից հետո և Որոտնա բերդի գրավումից առաջ (ՊՏԱ, էջ 133): Եթե ընդունենք, որ դարաբազցիների սյունյաց ռազմարշավը պիտի ավարտված լիներ ամենաշուար 1723 թ. նոյեմբերի առաջին կեսին (դա միանգամայն հնարավոր էր, եթե հիշենք, որ Ղարաբաղից Ղափան 3 օրվա ճանապարհ էր)⁵⁶, իսկ Որոտնա բերդը, գիտենք, գրավվել է 1724 թ. մարտի 29-ին, ապա Զեուի առումը պիտի դնել այդ ժամանակակետերի միջև ընկած հատվածում:

Թերևս, հնարավոր է նաև որոշել Զեուի գրավման ամենահավանական ժամանակը. ա) օգտվելով Որոտնաի կայազորի նկատմամբ դարաբազցիների ահաբեկիչ և կաշկանդող գործողությունից և, կանխելու համար շուտով սպասվելիք արտաքին անբարենպաստ շրջադրության՝ օսմանյան ռազմական մանևրացիայից Ղափանի ներքին իրադրության վրա, Դավիթ-բեկը ջանալու էր հնարավորին չափ արագ վերացնել Ասլամազ Ղուլու գլխավորությամբ Զեու բերդում կենտրոնացած թշնամական ուժերը. բ) Զեուի պաշարումը քիչ հավանական է 1724 թ. հունվարին—փետրվարի առաջին կեսին:

⁵⁵ Այդ ճանապարհների մասին տե՛ս Ս. Լիսիցյան. Զանգեզուրի հայերը. Երևան, 1969, էջ 39, 43—44, 92—93: Ա. Շ. Շոքահանյանի սյույան. Դրվագներ հայ ազատագրական մարտի պատմության. գիրք II, Երևան, 1959, էջ 231—232: Խ. Խ. Հակոբյան. Սյունիքի թագավորությունը (պատմա-աշխարհագրական առումով). Երևան, 1966, էջ 95—100: Ա. Ա. Հարյան. Սյունիքի ամրացաշինության որոշ սկզբունքների մասին. — Պատմա-բանասիրական հանգես, 1988, № 1, էջ 224—226:

⁵⁶ Տե՛ս APO, II, док. 291, с. 205. հմմտ. The Life and Adventures of Joseph Emin, an Armenian, written in English by himself. 2nd ed., Calcutta, 1918, p. 363—373, 413.

սին՝ խստաշունչ ձմեռվա պատճառով. գ) Ս. Շահումյանի վկայությամբ, նախքան Բարգուշատ արշավելը Թորոս-բեկը (որը մինչ այդ մասնակցել էր Զևուի դրավմանը) մեծ զորահավաք է անցկացնում Զավնդուրում և 6000 զինվոր հավաքագրում (ՊՍՄ, էջ 124): Մեզ հայտնի է, որ Թորոսը արշավել է Բարգուշատ 1724 թ. մարտի վերջին⁵⁷, ուստի՝ եթե ընդունելու լինենք Զևուի առումի հավանականությունը 1724 թ. փետրվարի վերջին—մարտի սկզբին, ապա Թորոսին զորահավաքն անցկացնելու և դժվարին արշավանքին (սկզբ-րից նա նույնիսկ նախատեսում էր Օրդուբադի գրավումը, տե՛ս ՊՍՄ, էջ 124) նախապատրաստվելու համար շատ քիչ ժամանակ կմնա:

Նույնատիպ տրակամբանությունն են հանգում, դիտելով Դավիթ-բեկի՝ Որոտանի պաշարումին (1724 թ. մարտի 25—29) անմիջապես նախորդող գործողությունները Սիսիանում. «Գնաց ի Սիսան գաւառ, և անդ կալեալ կոտորեալ զիշխանս Թուրքաց» (ՊՍՄ, էջ 133. հմմտ. Համապատում, էջ 152): Այս պատժիչ ձեռնարկը ևս որոշ ժամանակ էր պահանջում: Կարծում ենք, Ղափանում 1724 թ. ռազմական կամպանիան սկսվել է վերը նշված երկու զուգընթաց գործողություններով՝ Դավիթ-բեկի արշավանքով Սիսիան և Զավնդուրում Թորոսի կազմակերպած մեծ զորահավաքով (1724 թ. փետրվար—մարտ): Այսպիսով, անենք վերջին հետևությունները. 1) Զևուն, ամենայն հավանականությամբ, գրավվել է 1723 թ. նոյեմբերի երկրորդ կեսին կամ դեկտեմբերի սկզբին. 2) արդեն բնակվելով Հալիձորում, Դավիթ-բեկը ձերբակալեց իրեն ներկայացած Տեր-Ավետիքին և մեկիք Փարսազանին և ուղարկեց Շահերի բանտ, որտեղից 15 օր (ըստ Համապատումի՝ 12 օր) անց նրանց ազատ արձակեց Ավան-յուզբաշին: Հետևաբար, Հալիձորի բերդի կառուցումն ավարտվել էր 1723 թ. օգոստոս—հոկտեմբեր ամիսներին՝ նախքան Աղնախների սյունյաց առաջին ռազմերթը (1723 թ. նոյեմբեր): Ավանից բխում է մի հետևություն ևս. Տեր-Ավետիքը և Մելիք Փարսազանը ներկայանում են Դավիթ-բեկին Հալիձորում 1723 թ. հոկտեմբերի վերջին—նոյեմբերի սկզբին:

Սխալ կլիներ կարծել, սակայն, որ Ղափանում ծայր առած կռիվներում նրանք կարողացել էին մի ամբողջ տարի շեղություն պահպանել և նոր լին միայն միանում Դավիթ-բեկի զլխավորած շարժմանը: 1722 թ. աշնան դրությունն արտացոլող սյունյաց զորավարների և զորքերի ցանկի⁵⁸ համաձայն, Տեր-Ավետիքը՝ 468 և մելիք Փարսազանը՝ 250 զինվորով Դավիթ-բեկին դեռ այդ ժամանակ ենթակայություն հայտնած զորապետերից էին (տե՛ս Զորացուցակ, էջ 143—144): Այլ հարց է, որ այս երկուսը, հավանաբար, կասկած ունենալով Դավիթ-բեկի իշխանության կենսունակության նկատմամբ, 1723 թ. առաջին կեսին Ղափանի դեմ ուղղված խոշորամասշտաբ հարձակումների ժամանակ փորձել են հնարավորին չափ հեռու մնալ արյունալի բախումներից: Հենց դրանում (և ոչ դավաճանության մեջ) է Դավիթ-բեկը մեղադրում նրանց՝ «ընդե՛ր ոչ ելիք յօգնութիւն մեզ» (ՊՍՄ, էջ 132): Դրանով է բացատրվում նաև նրա համեմատաբար մեղմ վարմունքը Ղափանի այս երկու ազդեցիկ դեմքերի հետ. Շահերի բանտից նրանց վերադարձից հետո (1723 թ. նոյեմբեր) Դավիթ-բեկը ձեռնալեզու գժելիք Փարսազան՝ կացոյց զնա յիրում կարգի զօրապետ ի վերայ երկու հարիւր փաթսուն և վեց զօրաց: Եւ զտէր Աւետն ի վերայ չորեքհարիւր քառասնից, (ՊՍՄ, էջ 133. Համապատում, էջ 152): Տեր-Ավետիքի և մելիք Փարսազանի ջոկատների թվա-կազմի վերաբերյալ Զորացուցակի և ՊՍՄ-ի հաղորդումների շնչին տարբերությունը վկայում է, որ 1723 թ. նոյեմբերին, Դավիթ-բեկի համաձայնու-թյամբ, նրանք վերաստանձնել էին իրենց նախկին ջոկատների հրամանա-տարությունը:

⁵⁷ «Պատմա-բանասիրական հանդես», 1990, № 2, էջ 130—133.

⁵⁸ «Մյուրեկի էին զօրավարք եւ զօրապետքն Դավիթ Պէկին, միւնչ Լեւ ի Շեհե...» (Զորա-ցուցակ, էջ 143): Շահերը Դավիթ-բեկի նստավայրն էր 1722 թ. աշնան ամիսներին. նույն թվականի վերջերին նա գրավեց Տաթևի բերդը և տեղափոխվեց այնտեղ (տե՛ս «Պատմա-բանասիրական հանդես», 1990, № 3, էջ 76—80):

СОБЫТИЯ В ЗАКАВКАЗЬЕ В 1723 ГОДУ И ПЕРВЫЙ
ВСПОМОГАТЕЛЬНЫЙ ПОХОД В СЮНИК АРМЯН АРЦАХА

А. М. АИВАЗЯН

Резюме

На фоне военно-политической обстановки в Закавказье в 1723 г. восстанавливается хронология ряда важных событий национально-освободительного движения Сюника (Капана) и Арцаха (Карабаха). Так, в частности, показано, что Давид-бек завершил строительство крепости Алидзор и переехал туда из Татева в августе—октябре 1723 г. Доказывается, что карабахские войска совершили не один вспомогательный поход в Капан в апреле 1724 г. (как принято считать в армянской исторической науке), а два, первый из которых, под предводительством Авана-юзбаша, был в ноябре 1723 г. и описан Тер-Аветиком в «Истории капанцев». Крепость Зезу была взята Давид-беком во второй половине ноября или в декабре 1723 г. Затронуты также некоторые источниковедческие вопросы «Истории капанцев».